

咸陽李岳瑞編 鹽城印水心修訂

評註
國史讀本

新學制中等學校適用
明史下

上海世界書局出版

第九冊

註評

國史讀本卷九目錄

第四編 近代史

明史下

第五章 憲孝朝政

- 一 韃靼入據河套始末……………一
 - 二 荆襄之盜與大藤峽之搖…………三
 - 三 汪直領西廠始末……………六
 - 四 萬貴妃擅寵始末……………八
 - 五 孝宗初政……………九
 - 六 馬文升哈密之役……………一一
 - 七 王越鎮邊之功……………一三
- ### 第六章 武宗朝政
- 一 武宗之失德……………一四

劉瑾之專擅……………一五

三 諸大臣被禍之慘……………一七

四 流寇之起……………一八

五 劉瑾之誅……………一九

六 江彬導帝微行……………二一

七 寧正宸濠之反……………二二

八 王守仁討平宸濠始末…………二二

九 武宗之南巡……………二二

十 王守仁傳略……………二八

第七章 世宗朝政

一 世宗之立……………三〇

二 大禮議之爭……………三二

三	張瑰桂萼之進用……………	三四
四	李福達陳九疇之獄……………	三六
五	夏言請改郊祀……………	三八
六	楊劉之得禍……………	三九
七	嚴嵩之進用……………	四一
八	曾統夏言之被禍……………	四三
九	俺答之入寇……………	四五
十	楊繼盛之冤死……………	四七
十一	沈鍊之冤死……………	四九
十二	嚴嵩之敗與世蕃之誅……………	五〇
十三	倭寇之弭平……………	五三
第八章 穆宗朝政		
一	穆宗初政……………	五五

二	王崇古之總制三邊……………	五六
三	俺答之封貢……………	五八
四	戚繼光之鎮薊……………	六〇
五	李成梁之鎮遼……………	六一
第九章 神宗朝政		
一	張江陵輔政之功……………	六三
二	張江陵之相業一……………	六五
三	張江陵之相業二……………	六七
四	張江陵歿後之禍……………	六八
五	潘季馴治河之績……………	七一
六	徐貞明水利之議……………	七三
七	日本朝鮮之役……………	七五
八	礦稅之害一……………	七七

第十章 光熹朝政

九	礦稅之害二……………	七九
十	鄭妃之擅寵……………	八一
一	梃擊之案……………	八三
二	紅丸之案……………	八五
三	移宮之案……………	八六
四	滿洲之崛起……………	八八
五	楊鎬之喪師……………	九〇
六	熊廷弼之被劾……………	九二
七	遼瀋之失陷……………	九四
八	王化貞之誤國……………	九五
九	熊廷弼之冤死……………	九七
十	東林黨與三案之爭……………	九八

第十一章 崇禎之末亡

十一	魏忠賢之柄用……………	一〇一
十二	前六君子之慘死……………	一〇四
十三	後七君子之慘死一……………	一〇六
十四	後七君子之慘死二……………	一〇七
十五	魏忠賢之僭亂……………	一〇九
十六	逆閹之伏誅……………	一一一
一	崇禎朝之政局……………	一二三
二	袁崇煥之被讒……………	一二四
三	流寇羣起始末一……………	一二六
四	流寇羣起始末二……………	一二八
五	李自成張獻忠之始起……………	一二〇
六	陳奇瑜撫賊之失策……………	一二二

七 溫體仁之誤國……………一二三

八 盧象昇之戰死……………一二五

九 洪承疇之降敵……………一二六

十 熊文燦撫賊之失策……………一二八

十一 楊嗣昌之敗……………一三〇

十二 周延儒之敗……………一三二

十三 李自成之僭號……………一三三

十四 莊烈帝之殉國……………一三五

第十二章 明代概論

一 歐洲通中國始末……………一三八

二 徐光啓輸入西學之功……………一四〇

三 明代學術之變遷……………一四二

四 明代學術之變遷……………一四四

五 明代之風俗……………一四七

評註 國史讀本卷九

第四編 近代史

明史下

第五章 憲孝朝政

一 韃靼入據河套始末

憲宗 始犯延慶 阿羅出河套 孛來 小王子 毛里孩

英宗復辟八年而崩，太子見深卽位，以明年爲成化元年，是爲憲宗純皇帝。憲宗之在位也，北虜強梁於外，羣盜蜂起於內，蓋亦明室多事之秋矣。初，韃靼入寇，或在遼東，宣府，大同，或在寧夏，莊浪，甘肅，來去無常，爲患不久。景泰初，始犯延慶，然部落尙少，未敢深入。及天順中，有阿羅出者，率其屬潛居河套，遂逼近西邊，河套，漢河南朔方地，唐張仁愿築三受降城處也，地在黃河南，自寧夏至偏頭關，延袤二千餘里，饒水草，外爲東勝衛，東勝而外，土地平衍，敵來不能隱，明初守之，後以曠絕內徙，其地遂空。成化初，韃靼孛來，及小王子毛里孩等，先後入居之，擄中國人爲嚮導，抄掠延慶無虛時矣。既而

韃靼內亂

扎加思蘭入據河套

設三邊總制余子俊詩築邊牆

薩魯魯居套稱汗

諸部內爭，毛里孩殺孛來，更立他汗。阿羅出復與毛里孩仇殺，毛里孩遂殺所立汗，而逐阿羅出，尋渡河，掠大同。帝命撫寧侯朱永征之。會毛里孩再乞通貢，詔許之。命永等駐軍塞上，給事中程萬里言：「毛里孩窺伺邊疆，其情叵測，宜選精兵二萬，潛師襲取，帝不能用。」未幾，毛里孩果叛入寇邊，而阿羅出亦與韃靼別部扎加思蘭入據河套，與他酋滿都魯等連合，數爲邊患。延綏巡撫王銳不能禦，乃從兵部尙書白圭請，以布政使余子俊代之，並設三邊總制一人，以一事權。已而子俊上言：「三邊唯延慶地平易，利馳突，寇屢入犯，得邊人爲導，徑入河套，自是寇顧居內，我反居外，亟宜於沿邊築牆置堡，況今舊界石所在，多高山陡厓，依山形隨地勢，以成邊牆，於事爲便。」帝從之。於是興役築牆，東起清水營，西抵花馬池，延袤千七百七十里，鑿厓築垣，掘塹其下，每二三里置敵臺一，以備巡警。又於厓砦空處，築短垣，橫一斜二，如箕狀，以瞭敵避射。凡役夫四萬人，三月而成，遂爲邊疆數世之利。子俊又欲大發兵收套，未能成功。已而滿都魯居河套，稱汗。扎加思蘭佐之，成化九年，三邊總制王越襲之於紅鹽池，妻帑財產皆盡，由是不復居河套，而邊患稍弭。

荆襄多盜之原

註

○【遼東宣府大同】遼東，今奉天瀋陽縣。宣府，今直隸宣化縣。大同，今山西大同縣。○【寧夏莊浪甘肅】寧夏，今甘肅寧夏縣。莊浪，今甘肅莊浪縣。甘肅，即今甘肅省。○【景泰】景帝年號。○【延慶】延州，今陝西膚施縣。慶州，今甘肅慶陽縣。○【天順】英宗復辟後年號。○【河套】即蒙古之鄂爾多斯，屬今綏遠特別區域，其地東西北三面，距黃河，南限邊城，周迴數千里，故謂之河套，今黃河在河套一帶，水性平穩，可通小舟，疏渠灌田，收穫豐富，時有黃河百害惟富一套之謠。○【三受降城】中受降城，即今綏遠五原縣，地在黃河北岸。東受降城，在今歸綏縣西黃河東岸。西受降城，在今鄂爾多斯右翼後旗西北，黃河北岸。○【寧夏】今甘肅寧夏縣。○【偏頭關】在今山西雁門道偏關縣。○【東勝衛】古東勝州，即今綏遠東勝縣。○【延綏】今陝西北部一帶地。○【三邊】即延綏、寧夏、甘肅三鎮。○【清水營】在今陝西府谷縣東北。○【花馬池】在今甘肅鹽池縣。○【紅鹽池】在今陝西西北，與甘肅接界。

二 荆襄之盜與大藤峽之貉

荆襄上游爲鄖陽、古麋庸二國地，元至正間，流賊聚此爲亂，終元世莫能制。洪武初，鄧愈以兵力剿除，而空其地，禁流民不得入，然地界秦、豫、楚之交，又多曠土，山谷阨塞，林

劉通
石龍

劉長子

朱永
圭討賊

大藤峽

藍胡侯
槃四姓韓雍平
蠻

筭蒙昧，中多草木可采。正統初歲，饑民徙入，不可禁，其中巧黠者，稍稍相雄長。漢中守臣以聞，請誅之。英宗曰：「小民爲飢寒迫耳，奈何用兵？」命御史往輯撫之，謫戍數人，餘陽聽撫，而大猾仍潛匿不出，尋復縱掠隣境。三省長吏又多諉非己境，因循不治。至是有劉通者，糾其黨石龍、劉長子等，聚衆爲亂，寇掠襄鄧間，指揮陳昇等二十四人皆死焉。朝廷命撫寧侯朱永、侍郎白圭討之。至南漳，連敗賊，偵知賊巢在豆沙河，萬山之中，列爲七屯，諸軍分道並進，賊據險下，木石如雨，官軍四面仰攻，蟻附而登，遂擒通，送京師，擒斬無算。石龍、劉長子逸去，轉掠四川，燬巫山、太昌，圭分兵蹙之，賊被圍，食盡，長子縛龍以降，賊勢少息。此一事也。廣西潯柳之間，夾江諸山險峻，中有大藤如斗，延亘西崖間，勢如徒杠，蠻衆緣之以度，號曰「大藤峽」。登峽巔，數百里，顧盼可盡，諸蠻倚爲輿區，中產獠人，藍胡侯槃四姓爲渠魁。又有獠人，善傳毒弩矢，中人無不立斃。雖四姓獠亦憚之。自景泰以來，嘯聚爲亂，隳城殺吏，所至邱墟。至是始詔簽都史韓雍討之，編修邱濬上書李賢，謂「賊在廣東者宜驅，在廣西者宜困」。賢善之，諸將亦多主其說。雍曰：「不然，賊已蔓延數千里，而所至與戰，是自敗也。大藤峽爲賊之巢穴，我以全

公眞天
神

斷藤峽

師搗之，心腹一潰，餘迎刃而解耳。」乃倍道馳抵峽口，有儒生里老數十，伏道左，願爲嚮導。雍叱曰：「賊敢給我！」叱左右縛斬之，左右皆愕。旣縛，袖中果有利刃出，推問，悉賊謀也，盡殺之。賊大驚曰：「韓公眞天神也！」雍督諸軍水陸並進，連破諸賊巢，焚其室廬積聚，先後破賊三百餘寨，生擒賊渠七百餘人，斬馘三千有奇，墜溺死者不可勝紀，斷大藤而火之，改其名爲斷藤峽，勒石紀功而還，此又一事也。

圖

成化朝知兵之臣，蓋無過於韓雍者。大藤峽一役，邱濬宜驛宜困兩策，其說雖似可行，但猛獠嘯聚，無不據險爲巢，潛行鈔掠，利則競往，而敗則深匿，出沒所以不常，且叢篁密箐，道路崎嶇，驅之則首尾難知，困之則懸突無定，勢將何以取勝。自不若韓雍搗其心腹，以靖根株之爲得算也。第濬以粵人言粵事，何至不諳時勢，乃爾。觀所云在東者宜驅，在西者宜困，豈亦未免有私其鄉曲，移禍鄰疆之見邪。

註

- ①【荆襄】今湖北荊州、襄陽也。②【鄖陽】今湖北鄖房、竹山諸縣地。③【慶庸二國】春秋時滅於楚。④【秦豫楚】秦陝西、豫河南、楚湖北也。⑤【漢中】今陝西漢中道。⑥【襄鄧】謂湖北襄陽、河南鄧縣也。⑦【南漳】今襄陽道南漳縣。⑧【豆沙河】在今湖北保康縣北，下流入筑水。⑨【巫山】今四川巫山縣。⑩【太昌】故城在今巫山縣北。⑪【潯柳】潯，今廣西桂平縣。柳，今

廣西馬平縣。

⑤【徒杠】杠音江，通徒步之木橋也。孟子十一月徒杠成，卽此。

⑥【大藤峽】在今廣

西蒼梧柳江一帶地。

三 汪直領西廠始末

憲宗信
用汪直

西廠之
設

商輅請
誅汪直

憲宗卽位之初，聽大學士商輅言，復景帝尊號，雪于謙之冤，又任用李賢、彭時輩，頗知治道。及太監汪直用事，乃漸荒恣。汪直者，本大藤峽獠種，初爲御馬監太監，給事萬貴妃，爲人便黠多智。憲宗惑之，始成祖時置東廠，令宦者主之，專訪緝逆謀大奸，與錦衣衛均權勢。至是，尙銘領東廠，又別設西廠，令直主之，所領緹騎數倍東廠。時南京太監覃力明入貢，以百艘載私鹽，武城典史詰之，力明擊折其齒，且射殺一人。直廉得以聞，置力明法，帝謂直能摘奸，益幸之。直乃任錦衣百戶韋瑛爲腹心，屢興大獄，冤濫相屬。自諸王府邊鎮及南北河道，所在校尉羅列，民間門閭雞狗瑣事，咸置重法，人情危駭。大學士商輅率同官上言：「自直用事以來，卿大夫不安其職，商賈不安於涂，庶民不安於室，若不誅直，天下安危未可知也。」帝得疏，愠曰：「用一內豎，何遽危天下？孰主此奏者？」命懷恩、覃吉至閣詰責。輅正色曰：「朝臣無大小，有罪皆請旨，然後逮問，直擅抄

罷西廠

復開西
廠阿丑演

復罷西
廠

沒三品以上京官，大同宣府邊城要害，守備俄頃不可缺，直一日械數人，南京祖宗根本，直擅捕留守大臣，直不去，天下安得不危？輅等同心一意，爲國家除害，豈有主謀者耶？項忠亦以爲言，帝不得已，令直歸御馬監，而罷西廠。中外大悅。顧西廠雖罷，帝眷直不少衰，仍密令出外探事。御史戴縉者，性險躁，干進，探知帝意，乃假災異建言，頌直功德，帝大喜，詔復開西廠，直勢益熾。已而寇犯宣府，命直監王越軍行邊，所至苛擾，人莫敢言。有小中官阿丑者，工俳優，嘗演劇帝前，一日爲醉者謾罵狀，人言駕至，罵如故，言汪太監至，亟避走曰：「今日但知有汪太監也。」帝欣然而笑，稍稍悟。會東廠尙銘以事忤直，內懼，乃廉得直不法事，奏之，帝始惡直，未幾降直南京御馬監，罷西廠，不復設，中外欣然，如慶更生。

評

自永樂設立東廠，寄宦官以訪緝之任，固已作法於涼，至憲宗信任汪直，復爲特置西廠，氣餒鴟張，羅織內外，其勢益橫，甚且擅行逮問，易置近臣，其初不過因汪直舉發單力明殺人事，嘉其摘奸，孰知此正若輩先爲小忠小信，以成其大不忠大不信之故智。憲宗竟墮其術中，深相倚畀，自此廠衛乘時竊柄，日漸恣肆，逮末世而元氣孱削，遂以危亡，追論禍源，憲宗豈得辭作俑之咎耶？

四 萬貴妃擅寵始末

萬貴妃
戎服前

方士李
孜省

僧繼曉

太監梁

芳

閣臣萬

安

七竇藏

金俱盡

萬歲有

萬貴妃者，山東諸城人，小字貞兒，生四歲，選入掖廷爲宮女，及長，侍帝於東宮，帝年十六卽位，妃年三十有五矣。性機警譎變，善迎帝意，帝每遊幸，妃輒戎服前驅，故寵之專房。六宮希得進御，時汪直雖去，而方士李孜省以方術得寵，僧繼曉以祕法進爲國師，與太監梁芳、閣臣萬安等表裏爲奸，糜竭累朝所藏七寶之金帛，大興土木，不足則苛歛民財以繼之，務爲奇技淫巧，以內結萬貴妃之歡，帝無子，而萬妃淫妒，宮人紀氏生子，不敢告，帝恆鬱鬱，一日召太監張敏櫛髮，照鏡嘆曰：「老將近而無子。」敏伏地曰：「萬歲已有子也。」帝愕然問安在，敏對曰：「奴言卽死，萬歲當爲皇子主。」太監懷恩亦頓首曰：「誠如敏言，皇子潛養西內，已六年矣，匿不敢聞耳。」帝大喜，卽日幸西內，使迎皇子，紀氏抱皇子泣曰：「兒去，吾不得生矣！兒見黃袍有鬚者，卽兒父也。」衣以小緋袍，乘小輿，擁至堦下，髮披地，走投帝懷，帝置諸膝，撫視良久曰：「我子也，類我。」使懷恩至內閣具道其事，羣臣相率稱賀，大學士商輅進曰：「陛下踐阼十年，儲位未立，天下引領久矣，當遂立爲皇太子，安中外心。」帝領之，命名祐檠，宣示中外，封紀

紀妃暴
薨

孝宗即
位

孝宗一
代賢君

馬文升

氏爲妃，移居永壽宮，數蒙召見。萬妃悲曰：「羣小給我。」未幾，紀妃暴薨，敏亦懼，吞金死。時皇太后居仁壽宮，語帝曰：「以兒付我養之。」太子遂居仁壽。妃因憤恚成疾，未幾卒。帝失妃，鬱鬱不樂，未幾亦崩。太子即位，改元宏治，是爲孝宗敬皇帝。

評

皇子生已六年，憲宗竟毫無聞見，即昏憤不應至此。照鑑歎老之事，或出傳聞已甚，亦未可知。但既迎皇子至前，事已彰著，定名出閣，一切自有常儀，何轉向閣臣商處之之策？憲宗庸懦無能，此等事猶不克自主，其它尙足問耶？

五 孝宗初政

孝宗有明一代之賢君也，明有天下傳世十六，惟孝宗獨能恭儉有制，勤政愛民，兢兢於保泰持盈之道，十有八年，有如一曰，用能使朝寧清明，民物康阜。宏治一朝之盛，與漢之文景明章，後先頡頏焉。易曰：「無平不陂，無往不復，艱貞無咎。」知此道者，其惟孝宗乎！帝之始卽位也，卽用科道言，降黜傳奉官二千餘人，罷遣禪師真人等二百四十餘人，法王佛子國師等七百八十餘人，並追奪誥敕印仗，遣歸本土，一時物望所歸，無逾馬文升、王恕、劉健三人。帝御宇之初，卽首召恕爲吏部尙書，文升爲左都御史，健

王恕
劉健

文升
兵部

劉大夏

戴珊

微二卿
幾誤朕

爲禮部侍郎，入內閣預機務。恕以道德，文升以吏才，健尤能正色立朝，以一身任天下之重。衆正盈廷，萬安、劉吉輩皆相繼罷斥，妖僧繼曉亦棄市。於是國家承平久，軍政廢弛，西北部落不時窺塞下。文升長兵部，嚴覈諸將，黜貪懦三十餘人，戎伍肅然，始有起色。而奸人不便所爲，夜持弓矢俟其門，且作謗書射入禁城。文升乞休，帝慰留之，而命錦衣衛嚴捕奸盜，其倚畀如此。同時閣臣中，劉大夏及左都御史戴珊亦最蒙倚任，不減文升。大夏方嚴，委寄益重，每有宣召，或專及大夏，或兼及珊，諸大臣不得與也。時寇犯大同，中官苗達貪軍功，勸帝出征。閣臣劉健等委曲勸阻，帝意猶未回，特召見大夏於便殿，問曰：「太宗時頻年出塞，今何故不可？」大夏曰：「陛下神武之略，固不後太宗，而將帥士馬遠不逮昔，且邱福小違節制，舉十萬衆，悉委沙漠，奈何易言之！」今日上策，惟先自守耳。」一時珊亦同召，從旁贊決。帝遽曰：「微二卿言，朕幾誤矣。」由是師不果出，又嘗問「天下何時太平？」大夏對曰：「求治亦未可太亟，但用人行政，必與大臣議之，當而後行，久之天下自治矣。」因極言中官預政之害，帝深然之。終孝宗之世，宦官不敢專擅，大夏之力也。



○【文景明章】西漢文帝、景帝、東漢明帝、章帝，皆賢君也。

六 馬文升哈密之役

忠順王

土魯番
再據哈
密

土魯番
初據哈
密

西北諸番，惟元裔哈密最稱恭順。哈密在玉門關西，元時威武王納古里鎮之。至明永樂初，其弟安克特穆爾來降，成祖以其地爲西域要道，因封之爲忠順王，使統領諸番，爲西陲屏蔽。忠順王事朝廷，至爲忠謹。然其後嗣王庸懦，又種落雜居，不相統制，國勢遂衰。正統時，其隣國北有瓦剌，西有土魯番，東有赤斤，罕東等衛，悉與構怨。天順時，忠順王布哈噶卒，無子，王母主國事。成化初，爲土魯番所襲，乞援於朝。憲宗移其衆於苦峪，命忠順王外孫之子哈商權主國事。宏治初，哈商恢復故土，帝即以哈商爲忠順王，俾嗣封如故。土魯番酋阿黑麻聞之，怒曰：「哈商非忠順族，安得嗣封？」乃僞與結婚，誘而殺之，遂據其地，而獻貢於朝。帝用馬文升策，拘留使者，卻其貢物，敕罕東赤斤諸衛討之。阿黑麻懼，遣使叩闕，願獻還哈密，許之。文升言：番人重族類，且素服蒙古，非蒙古後裔鎮之不可。乃求忠順裔，得陝巴，襲封爲王，以兵送之。已而諸番索陝巴財物，不得，皆怨，遂潛引土魯番兵，夜襲其城，執陝巴，復據其地。事聞，閣臣邱濬謂文升曰：「西

阿黑麻
稱汗
馬文升
請討
魯番

哈密
安復

垂事重，非公親行不可。一廷臣僉言，北虜方強，本兵不宜遠出。帝乃令侍郎張海及都督緱謙往。二人本庸才，但遣土魯番人，歸諭其酋，令返侵地，而身處塞內俟之。阿黑麻遣使入貢，詭言願還陝巴及哈密，二人聞之，大喜，遽班師還，而陝巴乃留土魯番如故。言官劾其罪，下吏貶秩。阿黑麻遂潛稱汗，侵掠鄰部。文升言，此虜桀驁，非大勦不知畏。以指揮楊翥熟悉番情，召詢方略。文升言於帝，請大發邊兵，命副將彭清將之，隸巡撫許進往討。清統精騎，先出嘉峪關，總兵劉寧繼之。越八日，諸軍會於羽集也川，夜半，大雨雪，冒雪倍道兼行，抵哈密城下，拔之。哈密自元明以來，官軍無涉其地者，於是諸番震服。土魯番守將已先遁去，乃斬其遺卒，撫輯番衆。土魯番請歸還陝巴，仍以爲忠順王，遂班師。哈密復安。

註

- ①【哈密】本漢伊吾廬地，卽今新疆哈密縣。
②【玉門】古關名，在今甘肅敦煌縣西一百五十里。
③【永樂】成祖年號。
④【正統】英宗初時年號。
⑤【赤斤】在今甘肅嘉峪關西。
⑥【罕東】在赤斤之南。
⑦【天順】英宗復辟後年號。
⑧【成化】憲宗年號。
⑨【苦峪】在今甘肅
西縣東南。
⑩【宏治】卽孝宗年號。
⑪【本兵】明兵部尙書，事權最重，因稱之爲本兵。
⑫【嘉峪